



# Uyawuthanda umndeni wakhe lo somabizininisi

**B**ANINGI abantu abake bacabange ukushiya phansi izikhundla zabo ukuze bazisungulele amabizininisi abo, kodwa lokhu akubilula, ngoba umuntu usuke esjwayele ukuthola imali yomholo engazi ukuthi ibhizinisi lizomphatha kanjani.

UNkk Gugu Moloi owaba yi-CEO eMgeni Water kanti futhi owaduma kakhulu ngokungenisa inzuzo kule nkampani ungomunye wabesifazane abalaxaza izikhundla zabo ukuze bangene kwawabo amabizininisi, ngenxa yothando lokusiza umphakathi. UGugu ungumama wabantwana abathathu okungu Lebo (18), Khotso(15) noLungu (12) uphinde abe ngunkosikazi kuKhehla oyi-Land Surveyor enkampanini yakhe.

UGugu uthi unothando olukhulu lo mndeni wakhe njengoba enomuzi eHillcrest kwenye yezindawo ezihlala abantu abadla izambane likampondo.

Ukuba lapha akhona namhlanje kudinga umuntu wesifazane ongxhamazeli kodwa onesibindi futhi ozaziyo ukuthi udingani empilweni yakhe apha abe ne-vision.

“Ukuba ne-fear uma uzoqala ibhizinisi lakho kuba khona, kodwa khona uma unama-dreams uzazi ukuthi ufunani empilweni kumele ungawesabi ama-challenges aqhamukayo. Aba-

ntu uma bezoqala amabizininisi akumele bathembele emalini yempe-sheni ngoba lokho kungaba yingozi kakhulu futhi umuntu kumele abenemali yokuqhubeka nempilo mhlawumbe

azi bekele isikhathi esingangonyaka azitshela ukuthi uzobe esazama ngaso,” kubeka uGugu odabuka eBulwer esigodini saseMkhohlwa, KwaZulu Natal.

Naye uthi waqala phansi njengoba waqala ngokuba yi-Town Planner kwenye yezinkampani. Ngaphambi kokujoyina uMgeni Water uke waba yi-Chief Director ku-National Government ePretoria. Uthi lapha wachitha isikhathi esingangeminyaka emithathu kepha wayeqinisekisa ukuthi uyaxhumana nomndeni



wakhe zonke izinsuku yize noma kwakumkhatheza ukungabi seduze nawo kodwa kwakuyindlela yokubeka ne-career yakhe. Isikhundla sokuba yi-CEO usiqhobobale iminyaka emine njengoba ashiya ngo-2006 kanti uthi into ebimkhatheza kakhulu wukuthi ubengasenawo amachallenges ubesefisa ukwenza into entsha ngempilo yakhe.

“Inkampani yami yenza

kahle kakhulu noma ingakafiki kulelo zinga engilifisayo, okwamanje anginawo ama-client amaningi ngoba ngifuna ukunikeza isikhathi lawo enginawo futhi ngikhiqize namathuba omsebenzi ebantwini bakithi. Kuhle ukuthi uma ungumuntu uzifundise izinto ezintsha empilweni. Uma unokwesaba ungaqala ngokuba sebhizinisini lakho part-time bese uma kuhamba kahle ugxile kulona,” kubeka uGugu onenkampani ebizwa nge-IMAN' Africa.

[sboc@ilanganews.co.za](mailto:sboc@ilanganews.co.za)

Gugu Moloi